



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XXXIV. Ampliatio facultatis conferendi gradus in Collegiis S. Fidei, &
Quiten. Societ. Jesu.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Decretum præd. quo prohibetur venditoribus aperire novas Tonstrinas ante biennium, & intra spatium 200. annorum.

Preces Universitatis.

Confirmatio relictæ Decreti.

Clausulæ.

dem sub specie Balnei, seu Stufæ, revera tamen non nisi ad ea, quæ Barbitonorum sunt, inibi exercenda aperiri, atque illuc Tonstrinarum a se venditarum Adventores abduci; Consules prædicti præmissis consideratis, quòd via dolis, & fraudibus hujusmodi in posterum obstruatur, vigore facultatis sibi ad id per speciale Rescriptum Nostrum attributæ, una cum nonnullis, aliis ejusdem Universitatis Officialibus, novissime statuerunt, sive decreverunt, ut de cætero suarum Tonstrinarum Venditoribus novas Tabernas Tonforias, etiam sub specie Balnei, seu Stufæ nonnisi post duos annos a die, quo suas Tonstrinas prædictas vendiderint, aperire liceat, ita ut pro tempore existentes Consules dictæ Universitatis Tabernas illas, quæ contra statuti, seu Decreti prædicti formam apertæ fuerint, claudi facere valeant; ipsis tamen suarum Tonstrinarum hujusmodi Venditoribus unam ex Tabernis Tonforiis antiquis, quæ a Tonstrina vendita intervallo ducentarum saltem Cannarum mensuræ Romanæ distet, emere minime prohibitum intelligatur.

§. 1. Cum autem, sicut eadem expositio subjungebat, dicti Exponentes statutum, seu Decretum hujusmodi, quo firmius subsistat, & servetur exactius, Apostolicæ confirmationis Nostræ patrocínio communiti summopere desiderant: Nos specialem ipsis Exponentibus gratiam facere volentes, & eorum singulares personas a quibusvis Excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodata existant, ad effectum præsentium duntaxat consequendum harum serie absolventes, & absolutas fore censentes, supplicationibus eorum nomine super hoc Nobis humiliter porrectis inclinati, statutum, seu Decretum prædictum a suprædictis Consulibus factum, ut præfertur, autoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet intervenerint, supplemus.

§. 2. Decernentes eandem præsentem literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore quandocumque spectabit in omnibus, & per omnia plenissime suffragari, & ab eis respectively inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit dictæ Universitatis, etiam juramento, confirmatione Apostolica, seu quavis firmitate alia roboratis statutis, & consuetudinibus; privilegiis quoque, indultis, & Literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, ac de verbo ad verbum expressis, & insertis habentes, illis alias in suo robore permansuris ad præmissorum effectum hac vice duntaxat, specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Pisc. die XXV. Sept. MDCXCIII., Pontificatus nostri Anno Tertio.

Declaratur, & ampliatur Clem. X. Constitutio pro Collegiis S. Fidei & Quiten. Societatis Jesu in Indiis Occident. de conferendis, tanquam in Universitate, Doctoris, Licentiati, & Magistri gradibus.

Constit. ed. 1693. Septemb. 1. P. 3. concessa fuit facultas conferendi gradus in quacumque arte, & disciplina.

INNOCENTIUS PAPA XII.

Ad perpetuam rei memoriam.

Alias fe. re. Clementi PP. X. Prædecessori nostro pro parte tunc existentium Rectorum Collegiorum Civitatum Quiten. & Sanctæ Fidei novi Regni Granatensis in Indiis Occidentibus Societatis Jesu, ac Præfectorum studiorum earundem Civitatum exposito, quod cum in Regnis Charissimo in Christo filio nostro Carolo Hispaniarum Regi Catholico subiectis una ex qualitatibus quas habere debebat, qui volebat per concursum obtinere Canonicatum, & Præbendam Doctoralem, vel Magistratum Cathedralium Ecclesiarum dictorum Regnorum, hæc esset, quod lauream Doctoratus, Licentiaturæ, vel Magisterii accepisset in aliqua studiorum Universitate, vel in Collegio Sancti Clementis Bononien. per bo. me. Agidium Albertinum, dum vixit S. R. E. Cardinalem fundato, prout in literis re. me. Sixti IV. & Leonis X. Romanorum Pontificum prædecessorum pariter Nostrorum desuper emanatis, uberius dicebatur contineri: In dicto autem novo Regno Granatensi nulla adesset Universitas studiorum, tam Sacrorum Canonum, & Juris Civilis, quam Theologiæ, & propinquior Universitas esset in Civitate Limana Regni Peruani, quæ per quingentas a Sanctæ Fidei, & per trecentas a Quitensi Civitatibus præfatis leucas respectively distabat. Et dilecti quidem filii Clerici Regulares dictæ Societatis in eisdem Civitatibus Quiten., & Sanctæ Fidei artes, & Theologiam docerent, ac Præfectos studiorum ibidem vigore facultatis a piæ me. Gregorio PP. XIII. etiam Prædecessore Nostrorum per quasdam suas literas incipient. *Quanta in vinea Domini*, Anno Incarnationis Dominicæ 1578. nonis Maji emanatas concessa promoveret ad gradus Philosophiæ, & Theologiæ, ac lauream Doctoris, Licentiati, & Magistri quibuscumque in Scholis dictorum Collegiorum studentibus conferret; verum dicti studentes a præfato Præfecto studiorum, ita graduati, & laureati si vellent concurrere ad Canonicatus, & Præbendas Doctorales, vel Magistratus suprædictarum Cathedralium Ecclesiarum oppositionem haberent, sub prætextu, quod non essent juxta dictas Sixti, & Leonis Prædecessorum literas in Universitatibus, vel in dicto Collegio Sancti Clementis Bononien. Graduati, & alii concurrentes idcirco illos a concursu excludere, tentarent: inde fiebat, ut studentes dicti novi Regni Granaten., quo gradibus hujusmodi decorarentur, longum iter ad memoratam Universitatem Limanam Civitatibus prædictis, ut præfertur propinquioribus suscipere, magnosque sumptus facere, ac etiam multis maris, terræque periculis se se exponere cogentur. Et in eadem expositione subjuncto, quod prædictus Leo Prædecessor suprædictas Sixti Prædecessoris literas, quæ ad graduatos in Universitatibus studiorum restrictæ erant, ad graduatos in dicto Collegio Sancti Clementis Bononien. extenderat, dicti vero Rectores Collegiorum, & Præfecti studiorum earundem Civitatum eadem literas ad graduatos in dictis Collegiis Quitensi, & Sanctæ Fidei pariter extendi plurimum

XXXIV.

Dat. 28. Sept. 1693. An. 3.

Causæ Constitutionis Clem. X. qua graduati in dicto Collegiis censentur tanquam graduati in Universitatibus.

deside-

desiderabant, quo in his Collegiis laureati, & graduati ad Canonicatus, & Præbendas Doctores, & Magistrales prædictos concurrere valerent. Idem Clemens Prædecessor supplicationibus dictorum Rectorum, & Præceptorum nomine sibi super hoc humiliter porrectis inclinatus, auctoritate Apostolica indulget, & declarat, ut laureati in prædictis Collegiis Societatis Jesu, donec aliqua publica Universitas proximior erecta fuisset, ac si in publicis Universitatibus censerentur laureati, ideoque capaces ad obtinenda quæcumque Beneficia hujusmodi gradum publicæ Universitatis ad præscriptum Constitutionum Apostolicarum, & Sancti Concilii Tridentini requirementa redderentur, & alias prout in ejusdem Clementis Prædecessoris literis desuper in simili forma Brevis die 30. Maji 1674. expeditis, quarum tenorem præsentibus pro plene, & sufficienter expressis, & insertis haberi volumus uberius continetur.

Causa d. declarationis, & ampliationis.

§. 1. Cum autem sicut dilecti filii moderati Rectores, & Præfeti studiorum Sanctæ Fidei, & Quaten. Collegiorum prædictorum Nobis nuper exponi fecerunt, præfata Clementis Prædecessoris literæ ad eos, qui in artibus, sive Philosophia, & Sacra Theologia dumtaxat Doctoris, Licentiatii, & Magistri gradus in supradictis Collegiis susceperint, restrictæ videantur revera tamen in iisdem Collegiis gradus hujusmodi non modo Philosophia, & Theologia prædictis, sed etiam in aliis omnibus scientiis, quæ inibi edocentur, ac præsertim in Decretis, sive Sacris Canonibus ex novissimo hujus Sanctæ Sedis Indulto conferantur. Nobis propterea iidem Exponentes humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

Preces Superiorum Collegiorum.

§. 2. Nos igitur ipsorum Exponentum votis hac in re quantum cum Domino possimus favorabiliter annuere volentes, & eorum singulares personas a quibusvis excommunicationis, suspensionis, & Interdicti, alisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innotatæ existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, dicta auctoritate tenore præsentium declaramus, Indultum a memorato Clemente Prædecessore concessum, ut præfertur intelligendum esse etiam de iis, quibus in Collegiis prædictis iidem gradus in Decretis, seu Sacris Canonibus supradictis collati fuerint. Et nihilominus quatenus opus sit idem Indultum ad eos, qui inibi dictos gradus etiam in Decretis, sive Sacris Canonibus hujusmodi, sicut præmittitur, susceperint, servata tamen ceteroqui prædictarum Clementis Prædecessoris literarum forma, & dispositione, auctoritate, & tenore prædictis extendimus, & ampliamus.

Declaratio, & ampliatio ad alios gradus.

§. 3. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Clausulæ.

§. 4. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in supradictis Clementis Prædecessoris literis concessa sunt non obstat, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis etiam impressis, manu alicujus Notarii publici sub-

scriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die XXVIII. Sept. MDCXCIII. Pontificatus nostri Anno Tertio.

Confirmatur Decretum Congregationis particularis super nonnullis dubiis a Fratribus Tertii Ordinis S. Francisci propositis.

XXXV.

De observantia Constitutionum quoad Laicos, & Oblatos vide Inn. XI. Const. ed. 1688. Mar. 13. P. 12. Et de electione Ministri Provincialis Clement. XI. Const. ed. 1708. Aug. 9. P. 8.

INNOCENTIUS PAPA XII.

Dat. 19. Oct. 1693. An. 3.

Ad futuram rei memoriam.

Nuper a particulari Congregatione nonnullorum ex Venerabilibus Fratribus nostris S. R. E. Cardinalibus in Causa Fratrum Tertii Ordinis Sancti Francisci a Nobis deputata, emanavit super quibusdam Dubiis in eadem Congregatione propositis Decretum tenoris, qui sequitur videlicet. - In Causa Tertii Ordinis Sancti Francisci, propositis infra scriptis Dubiis, videlicet,

Decretum d. Congregationis.

Primo. An juxta alias disposita in Constitutione sa. mem. Pauli III. de anno 1549. servanda sit Alternativa in electione Generalis.

Dubias

Secundo. An decernendum sit etiam absentem a Capitulo posse eligi in Generalem.

Tertio. An prohibendum sit, ne quis gradum assecutus eligi possit in Generalem, vel Procuratorem Generalem.

Quarto. An Procurator Generalis eligendus sit a Patre Generali, vel a Capitulo.

Quinto. An prohibendum sit ne proxime futurum Capitulum Generale celebretur Bononiæ.

Sexto. An prohibendum sit, ne Pater Generalis Titulum Provincialis conferat Religiosis simplicibus.

Septimo. An prohibendum sit, ne Pater Generalis deputet Commissarios Generales ad tempus indefinitum, & ad omnes causas.

Octavo. An prohibendum sit, ne in Congregationibus Generalibus, vel Capitulis Intermediis fiant novæ Constitutiones, aut Decreta, prout prætenditur, factum fuisse in præteritum, etiam contra Constitutiones Ordinis.

Sacra Congregatio Eminentissimorum, & Reverendissimorum DD. Cardinalium Cybo, de Carpinco, Casanate, de Norfolcia, de Laurea, & Panciatici a Sanctissimo D. Nostro particulariter deputata, & Partibus ore, & scriptis informantibus respondit.

Resolutiones.

Ad Primum. Deinceps non posse, nisi post duo Capitula Generalia, seu post duo sexennia eligi Generalem ex illa Provincia, ex qua fuerit Generalis Antecessor immediatus, quæ tamen prohibitio minime intelligatur de Procuratore Generali, qui etiam intra dictum tempus ex præfata Provincia eligi possit.

Ad Secundum. Quemlibet Religiosum, licet a Capitulo absentem; sed ceteroquin prædictum omnibus qualitatibus per Constitutiones Ordinis requisitis posse eligi in Generalem.

Ad Tertium. Attento novo Privilegio Sanctissimi Domini Nostri Innocentii XII. conferendi Doctoratus, & Magisterii Lauream; tam eligendum in Generalem quam in Provinciale debere esse Magistrum.